



IX XORNADAS DE MÚSICA E DANZA TRADICIONAIS GALEGAS –

BASES DE PARTICIPACION

1. A Concellaría de Animación Sociocultural do Concello de Vigo organiza, en colaboración coa Asociación Cultural Interfolc as **Xornadas de música e danza tradicionais galegas**, que terán lugar nas datas e lugares que se especifiquen nas respectivas convocatorias anuais.

Haberá igualmente un acto de presentación cuxa data e lugar se indican na convocatoria.

2. Nestas xornadas poderán inscribirse todas aquelas agrupacións de danza e músicagalegas que o desexen e pertencen a unha entidade legalmente constituída, sen ánimo de lucro. O grupo terá obrigatoriamente un mínimo de cinco parellas mixtas no escenario, e os seus compoñentes deberán ser maiores de 15 anos. Neste sentido o xurado poderá requirir a presentación dalgún documento de identificación de calquera das persoas participantes.

3. A solicitude de inscrición realizarase en impreso normalizado no Rexistro Xeral do Concello de Vigo (Praza do Rei, s/n – 36202 VIGO) ou ao fax 986 22 16 66, no prazo que se recolla na correspondente convocatoria anual. O devandito impreso de solicitude poderase conseguir na oficina de Información do Concello de Vigo ou a través da páxina web www.vigo.org.

4. O comité organizador das xornadas seleccionará entre todas as solicitudes recibidas un total de doce agrupacións. Teranse en conta os seguintes criterios: calidade do grupo, experiencia nacional e internacional, participación noutros certames ou festivais, premios obtidos, número de compoñentes. As datas de actuacións recóllense na respectiva convocatoria anual.

5. As agrupacións participantes comporanse necesariamente de corpo de baile e grupo de acompañamento, e vestirán todos eles o traxe rexional. Ningún bailarín ou grupo de acompañamento poderá tomar parte nas xornadas con máis dunha agrupación; isto sería motivo de descualificación para as agrupacións implicadas.

6. Cada agrupación seleccionada bailarás dúas danzas, cunha duración mínima de 3 (tres) minutos e máxima de 5 (cinco) minutos cada unha delas (o cómputo do tempo de cada peza iniciará cando soe algún instrumento ou voz de canto) e que deberán indicar no impreso de solicitude de inscrición, xunto co seu historial completo e detallado; non poderán ser cambiadas sen consentimento do comité organizador. As agrupacións que se clasifiquen para a fase final deberán cambiar unha das pezas obrigatoriamente.

7. A orde de actuación das doce agrupacións seleccionadas decidírase mediante sorteo público (ao que poderá asistir un representante por cada grupo) que se realizará na Casa do Concello na data que indique a correspondente convocatoria.

8. O xurado das xornadas será designado polo comité organizador e estará presidido polo concelleiro de Animación sociocultural do Concello de Vigo ou persoa en quen delegue. Como vogais actuarán catro persoas de recoñecido prestixio, relacionadas co mundo da danza e da música tradicionais galegas. Como secretario/a actuará un/unha funcionario/a municipal designado/a polo comité organizador, con voz e sen voto.

9. O xurado valora de 0 a 10 puntos a cada agrupación e terá como base fundamental os seguintes criterios: calidade artística dos bailaríns, grao de dificultade e autenticidade das danzas interpretadas e do vestiario utilizado, valor interpretativo do grupo de

acompañamento. Será motivo de descualificación non axustarse ós prazos de tempo establecidos para cada danza na base número 6.

10. O veredicto do xurado farase público ao remate da segunda xornada de actuacións, e pasarán á fase final as seis agrupacións que obteñan maior puntuación, que volverán actuar con dúas danzas o día da final seguindo rigorosamente a orde inicial. En caso de empate resolverá o voto de calidade do presidente do xurado.

11. Os premios establecidos polo comité organizador recóllense na respectiva convocatoria das Xornadas. Estes premios estarán suxeitos á normativa fiscal que sexa de aplicación. O comité organizador aboaraos, mediante transferencia bancaria, nos quince días hábiles seguintes ó final das xornadas, así como os gastos de desprazamento. **Co obxecto de realizar estes pagamentos, as agrupacións deberán achegar obrigatoriamente á solicitude de inscrición unha fotocopia compulsada do CIF e unha certificación bancaria.**

12. O veredicto final do xurado farase público tras a actuación das seis agrupacións finalistas e da correspondente deliberación. A continuación entregaranse os premios.

13. O comité organizador aboaralle a cada agrupación participante de fóra do termo municipal de Vigo a cantidade de 240 euros en concepto de gastos de desprazamento e 120 euros no caso das agrupacións da cidade. Así mesmo, aboaráselles estas mesmas cantidades de novo aos seis finalistas.

14. A organización das xornadas declina calquera responsabilidade sobre os posíbeis accidentes ou danos que os participantes poidan sufrir durante a súa participación.

15. A mera solicitude de inscrición nas xornadas supón a aceptación plena das presentes bases. Así mesmo, os veredictos do xurado serán inapelábeis.

16. O comité organizador e o xurado quedan facultados para resolver as posíbeis controversias ou dúbidas que poidan xurdir na interpretación das presentes bases, así como para tomar iniciativas que contribúan ao bo desenvolvemento das xornadas.

17.-Os espectáculos incluídos nas xornadas serán destinados ao público en xeral. O acceso ao teatro-sala de concertos Caixanova será público e gratuíto, limitándose o número de asistentes ao aforo do recinto do Centro Cultural Caixanova para o que se realizarán as oportunas invitación. Cada grupo participante poderá dispoñer de un máximo de 40 invitacións por día de actuación. O resto das invitacións ata completar o aforo (ata un máximo de dúas por persoa e día) recolleranse no despacho de billetes do Centro Cultural Caixanova 90 minutos antes do comezo do espectáculo os días de presentación, eliminatorias e final.



IX XORNADAS DE MÚSICA E DANZA TRADICIONAIS GALEGAS

CONVOCATORIA PARA O ANO 2008

1. Datos e lugar de realización.

As IX Xornadas de música e danza tradicionais galegas terán lugar os días 2, 8, 9 e 16 de novembro de 2008 no Centro Cultural Caixanova ás 20:00 horas.

O acto de presentación será o domingo 2 de novembro.

O día 8 de novembro, sábado, actuarán seis agrupacións e o día 9, domingo, as outras seis.

O día 16 de novembro terá lugar a final das xornadas.

2. Prazo de presentación para solicitudes de inscrición.

Dende o día 1 de outubro ata as 13:30 horas do día 20 de outubro de 2008, ambos inclusive.

3. Data de sorteo da orde de actuacións das agrupacións.

24 de outubro de 2008 ás 12:00 horas.

4. Premios.

1º premio: 1.500 euros, medalla e diploma.

2º premio: 900 euros, medalla e diploma.

3º premio: 600 euros, medalla e diploma.

4º , 5º e 6º clasificados: diploma e accésit de 100 euros.

Premio especial ao mellor grupo de acompañamento: 200 euros.



**“IX XORNADAS DE DANZA E MÚSICA TRADICIONAIS GALEGAS”
Centro Cultural Caixanova. Días 2, 8, 9 e 16 de novembro de 2008**

SOLICITUDE DE INSCRICIÓN

NOME COMPLETO DO DIRECTOR/A.....

ENDEREZO.....

CONCELLO.....PROVINCIA.....

CPTELÉFONOMÓVIL / FAX

CORREO

AGRUPACIÓN QUE

REPRESENTA:

DANZAS QUE INTERPRETARÁN:

1ªDANZA:

HISTORIAL:.....

2ªDANZA:

HISTORIAL:.....

HISTORIAL DO GRUPO (De ser o caso de ser necesario, achegalo á parte):

.....

.....

.....

Núm de compoñentes: - Parellas de baile: - Grupo de gaitas: -
Pandeireteiras:

IMPORTANTE: ACHEGAR UNHA FOTO RECENTE DO GRUPO.

....., de de 2008.

Sinatura

Para calquera aclaración, poden dirixirse á Concellería de Animación Sociocultural (teléfono 986 810 221 de luns a venres de 09:00 a 14:00 horas ou ofi.festas@vigo.org)

NOTA.- Obrigatoriamente deberase acompañar esta solicitude coa COPIA COMPULSADA DO CIF e CERTIFICACIÓN DE TITULARIDADE BANCARIA.